



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 37. Hadriani obitus. Alexander III. Papa. Octavianus Antipapa.

[urn:nbn:de:hbz:466:1-66377](#)

justum esset, in sui gratiam faceret. Lega-
ti Romanorum, Imperatore hæc loquen-
te, obstupescabant & Pontificiis Nunciis
indignabantur. Imperator vero Ro-
mam mittere Legatos decrevit, qui saltem
cum Senatu populoque, si id Papa con-
stanter recusaret, pacem pangerent.

§. XXXVII.

*Hadriani obitus. Alexander III.
Papa. Octavianus Antipapa.*

At hæc negotia intercedens Hadriani c. 23.
Papæ obitus abruptus; quippe die *Jo. de Ceu*
Martis, prima Septembris, eodem anno *an. 1159.*
millesimo centesimo quinquagesimo no-
no defunctus est Anagniæ, unde ejus
corpus Romam translatum, in Basilica *Att.ap.Ba.*
S. Petri penes corpus Eugenii Papæ III.
sepultum est. Hadrianus Sacræ Sedi *S. Thom.*
præfuerat annos quatuor & novem men- *Cant. I. ep. 24*
ses, quo temporis spatio Patrimonium
S. Petri multis Bonis acquisitis auxit.

Verum a cupiditate consanguineos *Att. ibid.*
suos ditandi usque adeo erat alienus, ut
sustentandæ matri suæ adhucdum in vi-
vis agenti nihil aliud, quam quod a mi-
sericordia Clericorum Cantuariensium
accipiebat, reliquerit.

Justis Hadriano persolutis, Episcopi *Att. ibid.*
& Cardinales in Basilica Beati Petri con-
venerunt de substituendo sibi Pastore

Y 3 tracta-

Sæcul. XII.

A. C. 1159.

tractaturi, & postquam per tres dies de-
liberarunt, simul omnes, tribus exceptis,
Rolandum Cardinalem & Ecclesiæ Ro-
manæ Cancellerium elegerunt. Is pa-
tria Senensis, Rainutii filius, cum esset
in Ecclesia Pisana Canonicus magni no-
minis, ab Eugenio Papa Romam vocatus,
primo Diaconus Tituli SS. Cosmæ &
Damiani, tum Presbyter Tituli S. Marci,
& tandem Cancellerius creatus est. Vir
eloquentissimus, Divinis humanisque
scientiis instructissimus. Ejus electio-
nem Clericis populoque Romano appro-
bantibus, Alexander III. dictus est.

Tres vero Cardinales Alexandro ad-
versabantur, Octavianus Tituli S. Cæci-
liae, Joannes Morson Tituli S. Martini, &
Guido Cremensis, tres Presbyteri, quo-
rum duo, posterius nominati, Octavia-
num elegerunt, ad Papam promoven-
dum.

Inter hæc qui Alexandrum elegerant,
eum illico purpura induunt, quæ vestis
soli Papæ competebat, atque isto ritu
Pontificia dignitate investiri credebatur.
Fugiebat ipse, & reluctabatur, indignum
se supremo fastigio professus. Sed ta-
men Odo Diaconorum primus repugnan-
tem Papalibus Insignibus vestiit. Quod
ubi Octavianus conspexit, seque ipsum
spe concepta excidere, purpuram de
collo Alexандri, injectis violenter mani-
bus,

Victor Anti-
papa.

bus, detractam auferre voluit, quam ex Sæcul. XII.
 Senatorum, qui aderant, aliquis auda- A.C. 1159.
 Æter in sævientem insiliens eripuit. Tunc
 vero ad Capellatum suum oculos furio-
 se intorquens, ac ut phreneticus clamans,
 jubebat; daret sibi pallium purpureum,
 quod præparaverat. Moxque capite nu-
 dato & inclinato illud induit tam turbati-
 to & impotenti animo, ut, cum capu-
 tium invenire non posset, illa parte, quæ
 operire anteriora debuerat, posteriora
 contexerit, videntibus cunctis & excus-
 so risu dicentibus, hunc Papam præpo-
 stere fabricatum fuisse. Nec mora, re-
 ferantur portæ Ecclesiæ, quæ jussu Sena-
 torum clausæ fuerant, intrant armato-
 rum catervæ, pretio conductæ, evagi-
 natis gladiis & magno strepitu, ut vi O-
 ctavianum, quem Schismatici Victo-
 rem III. Papam dicebant, defenderent.

Alexander & Cardinales, qui eum
 elegerant, furorem Adversariorum me-
 tuentes, in arcem Ecclesiæ S. Petri se re-
 ceperunt, ubi novem diebus ab Octavia-
 no consentientibus quibusdam Senato-
 ribus, pecunia corruptis, diu noctuque
 armata manu custoditi sunt. Tum im-
 manem populi clamorem non ferens O-
 ctavianus captivos ex Munitione Eccle-
 siæ educi jubet, & in arctiorem carce-
 rem ultra Tiberim transferri, ubi ferme
 per triduum fuerunt. Tandem Urbs to-

Sæcul. XII.
A.C. 1159.

ta commovetur, clamant pueri, convi-
tia in Octavianum conjicientes, Mulie-
res insultantes cantabant, nominabant
que Antipapam lingua vulgari, *Smanta-
compagnum*, quod Alexandro pallium
purpureum detraxisset. Unde populus
Romanus facti immanitatem sustinere
non valens, procedit ad locum, ubi Car-
dinales inclusi tenebantur, Duce Hecto-
re Frangipane, aliisque nobilibus Roma-
nis, Senatores ad aperiendum celeriter
portas munitionis compellit, Alexan-
drum & Cardinales libertati restituit.
Illi igitur per urbem transeunt, clangen-
tibus undique campanis, multis Romanis
armatis cum frequentia peditum com-
tantibus, atque vigesima Septembribus in
Vigilia S. Matthæi ad locum pervenient,
quod tunc *Nymphæ* hodie vero Nympha
dicitur, tredecim passuum millibus seu
quatuor leucis ab Urbe distantem. Ea-
dem die, quæ erat Dominica, Alexan-
der Papa consecratur, Ritu solito, mani-
bus Hubaldi Episcopi Ostiensis, quinque
aliis Episcopis assistentibus, videlicet
Gregorio Sabinensi, Bernardo Portuensi,
Walterio Albanensi, Signiensi, & Tar-
racinensi, multis Cardinalibus Presby-
teris & Diaconis, multisque Abbatibus
& Prioribus, præsentibus etiam multis
Advocatis, Scriniariis, Cantoribus, No-
bilibus, & plurima populi Romani parte.

In

In illis Cæremoniis Papæ capiti pro more Sæcul. XII.
Regnum id est Mitram turbinatam cum A.C. 1159.
corona imposuerunt.

Octavianus interim cum per quatuor hebdomadarum spatium in convocandis Episcopis, qui ipsum ordinarent, fatigatus fuisset, tandem tres invenit, & consecratus est Dominica prima Octobris ab Imaro Episcopo Tusculano, assistantibus Episcopis Melphitano & Ferentinensi. Imarus seu Igmarus prius in Alexan- *Sup. Lib.* drum consenserat, olim Monachus ad *LXXXI. §. 79* S. Martinum de pratis, a S. Bernardo amicorum numero adscriptus.

§. XXXVIII.

Literæ Alexandro faventes.

Inter hæc Alexander Papa Tarracinæ commorabatur, unde, ex Episcoporum & Cardinalium consilio, Legatos ad Fredericum Imperatorem, tunc Cremam in Longobardia obdidentem, misit. Verum Imperator jam prius Octaviano favens, & Alejandro a tempore Legationis Vesuntinæ infensus, Legatis contemtim auditis, ad Epistolam Pontificis respondere non est dignatus. Alexander prolixam quoque Epistolam dedit ad Gerardum Episcopum Bononiensem, ad Ecclesiæ ejusdem Canonicos, Doctores Juris, aliosque ejusdem Urbis viros. Ex

Sup. n. 22.

X 5

quo